

I. DISPOSICIÓN XERAIS

MINISTERIO DE ECONOMÍA E FACENDA

20143 *Real decreto 1790/2010, do 30 de decembro, sobre actualización de importes e determinación de pensións de clases pasivas para o ano 2011.*

Os compromisos adoptados polo noso país no ámbito da Unión Europea en defensa da unión monetaria e das economías da eurozona determinaron a necesidade de asumir algunhas das medidas previstas nos ditos escenarios coa finalidade de restablecer a confianza dos mercados no cumprimento das perspectivas de redución do déficit.

Mediante o Real decreto lei 8/2010, do 20 de maio, adoptáronse unha serie de medidas de axuste que pretendían distribuír da forma máis equitativa posible o esforzo que toda a sociedade debe realizar para contribuír á sustentabilidade das finanzas públicas, xerar a confianza na economía e garantir a estabilidade da eurozona.

Entre estas medidas establecíase, no seu artigo 4, a suspensión, excepcional, da revalorización das pensións de carácter contributivo para o ano 2011, ben que, como un exercicio de solidariedade cara ás persoas máis desfavorecidas pola actual situación de crise económica, a medida non se aplica ás prestacións máis baixas, en concreto, as pensións mínimas, as non contributivas e as do extinguido SOVI non concorrentes con outras pensións, cuxas contías se revalorizan para 2011 un 1 por cento.

Por iso, a Lei 39/2010, do 22 de decembro, de orzamentos xerais do Estado para o ano 2011, vén dispoñer, dentro do seu título IV e disposicións concordantes, os criterios básicos para determinar o importe das pensións públicas no devandito exercicio económico.

Así mesmo, na disposición adicional oitava da norma orzamentaria establécense determinadas normas sobre o mantemento do poder adquisitivo das pensións e doutras prestacións públicas, polas que se deben adaptar os seus importes ao incremento real experimentado polo IPC no período de novembro de 2009 a novembro de 2010, que alcanzou un 2,3 por cento.

Na dita disposición facúltase o Goberno para que actualice os valores consignados nos artigos 40, 41, 43 e 46 da Lei 26/2009, do 23 de decembro, de orzamentos xerais do Estado para o ano 2010 -para os efectos de fixar as contías para 2011 de determinadas pensións do réxime de clases pasivas e das especiais derivadas da guerra civil-, e no título IV e disposicións concordantes da citada Lei 39/2010, do 22 de decembro, de orzamentos para 2011 ao citado IPC.

Neste real decreto desenvólvense, en materia de clases pasivas, as indicadas previsións legais, fixando, por unha parte, os importes actualizados dos haberes reguladores das pensións de clases pasivas do Estado, así como a contía do límite máximo de percepción para 2011, coas contías regularizadas en 31 de decembro de 2010 conforme o incremento real do IPC, e, por outra, as regras e o procedemento para levar a cabo a referida actualización.

Dispónse, tamén, o aboamento en favor dos pensionistas de clases pasivas dunha cantidade de pagamento único equivalente á diferenza entre a pensión percibida durante 2010 e a que tería correspondido de ter revalorizado aquela nun 2,3 por cento dando así cumprimento ao mandato contido na mencionada disposición adicional oitava.

Por outra parte, régúlase o sistema de complementos económicos para as pensións mínimas, tamén previsto na citada lei, que experimentan un incremento xeral do un por cento á conta da evolución do IPC real no período novembro 2010-novembro 2011, co fin de garantir certo nivel de ingresos para aqueles que non alcancen os importes mínimos legalmente establecidos.

Debido ás súas especiais características, nun capítulo independente establécese a actualización das pensións de clases pasivas recoñecidas ao abeiro dos regulamentos da Unión Europea sobre a coordinación dos sistemas de seguridade social.

En definitiva, este real decreto dá cumprimento a través das mencionadas medidas a aquelas previsións legais, de cara a facilitar a súa rápida aplicación en beneficio dos colectivos afectados.

Na súa virtude, por proposta da ministra de Economía e Facenda, de acordo co Consello de Estado e logo de deliberación do Consello de Ministros na súa reunión do día 30 de decembro de 2010,

DISPOÑO:

CAPÍTULO I

Normas xerais sobre actualización de haberes reguladores e determinación de pensións de clases pasivas para o ano 2011

Sección 1.^a Actualización de haberes reguladores para a determinación inicial das pensións e límite máximo de percepción

Artigo 1. Importes regularizados dos haberes reguladores para o ano 2011.

1. De conformidade co disposto nos artigos 39 e 40 e no punto catro da disposición adicional oitava da Lei 39/2010, do 22 de decembro, de orzamentos xerais do Estado para 2011, os haberes reguladores consignados nos artigos 40 e 41 da Lei 26/2009, do 23 de decembro, de orzamentos xerais do Estado para o ano 2010, aplicables para a determinación inicial das pensións do réxime de clases pasivas do Estado, calquera que sexa a súa lexislación reguladora, e das pensións especiais de guerra con data de efectos económicos en 2011, unha vez regularizados os seus importes, mediante a aplicación do 2,3 por cento ás contías vixentes en 31 de decembro de 2009, serán os que figuran no anexo deste real decreto.

2. No caso de pensións de xubilación ou retiro e de viuvez do réxime de clases pasivas do Estado, que se causen durante 2011 ao abeiro da lexislación vixente en 31 de decembro de 1984, a contía inicial que corresponda corríxirase mediante a aplicación da porcentaxe do 1 e 2 por cento, segundo proceda, establecido para os anos 2004, 2006, 2007 e 2008 no punto catro das disposicións adicionais quinta e sexta, así como da disposición adicional décima, das leis 61/2003, do 30 de decembro, 30/2005, do 29 de decembro, 42/2006, do 28 de decembro, e 51/2007, do 26 de decembro, de orzamentos xerais do Estado para o ano 2004, 2006, 2007 e 2008, respectivamente.

Para tal efecto, computarase a mellora por fillo a cargo que poida corresponder nas pensións de viuvez por aplicación das leis 19/1974, do 27 de xuño, sobre mellora de pensións de clases pasivas, e 74/1980, do 29 de decembro, de orzamentos xerais do Estado para 1981.

Artigo 2. Límite máximo de percepción para o ano 2011.

O límite máximo de percepción para as pensións públicas regulado no título IV da Lei de orzamentos xerais do Estado para o ano 2011, unha vez regularizado o seu importe, de acordo co disposto no punto catro da disposición adicional oitava da Lei 39/2010, do 22 de decembro, de orzamentos xerais do Estado para 2011, mediante a aplicación do 2,3 por cento á contía vixente en 31 de decembro de 2009, queda fixado en 2.497,91 euros/mes ou 34.970,74 euros/ano.

Sección 2.^a Actualización de pensións

Artigo 3. Contía das pensións de clases pasivas para o ano 2011.

De conformidade co disposto no punto catro da disposición adicional oitava da Lei de orzamentos xerais do Estado para o ano 2011, as pensións aboadas por clases pasivas actualizaranse respecto das contías que a aquelas terían correspondido en 31 de decembro de 2010 na porcentaxe correspondente á desviación do IPC real con respecto ao previsto no período novembro 2009-novembro 2010, salvo as establecidas no título II do Real decreto 851/1992, do 10 de xullo, polo que se regulan determinadas pensións extraordinarias

causadas por actos de terrorismo, que se adaptarán aos importes que correspondan conforme a súa lexislación propia.

Para os efectos da actualización prevista no parágrafo anterior, a contía correspondente ás pensións en 31 de decembro de 2010 deberá incrementarse mediante a aplicación a estas do coeficiente 1,0128713.

Artigo 4. Pensións non actualizables durante o ano 2011.

Non obstante o disposto no artigo anterior, e en aplicación do establecido no número un dos artigos 45 e 41 das Leis de orzamentos xerais do Estado para 2010 e 2011, respectivamente, non experimentarán incremento ningún as seguintes pensións de clases pasivas:

a) Aquelas cuxo importe íntegro, sumado, se é o caso, ao importe íntegro mensual doutras pensións públicas percibidas polo seu titular, exceda de 2.497,91 euros íntegros en cómputo mensual cando o devandito titular teña dereito a percibir 14 mensualidades ao ano ou, noutro suposto, de 34.970,74 euros en cómputo anual.

b) As recoñecidas a favor dos legoeiros do Estado e causadas con anterioridade ao 1 de xaneiro de 1985, con excepción daquelas cuxo titular só perciba esta pensión por tal condición.

Artigo 5. Pensións extraordinarias por actos de terrorismo.

1. De acordo co establecido no artigo 45.un.a), parágrafo segundo, e no artigo 46.catro da Lei de orzamentos xerais do Estado para o ano 2010, así como no artigo 41.un, parágrafo segundo, da Lei de orzamentos xerais do Estado para 2011, e no Real decreto 851/1992, do 10 de xullo, as pensións extraordinarias de clases pasivas orixinadas en actos terroristas están exentas das normas excluíntes ou limitativas previstas no artigo 4.a) e o artigo 6.2.^a deste real decreto.

2. No suposto de que, xunto con algunha das pensións mencionadas no punto anterior, determinada persoa tiver dereito a percibir en 31 de decembro de 2010 algunha ou algunhas outras pensións públicas, as normas excluíntes ou limitativas, antes citadas, si serán aplicables respecto destas últimas.

Artigo 6. Regras para a actualización das pensións de clases pasivas.

A actualización prevista no artigo 3 deste real decreto axustarase ás seguintes regras:

1.^a Aplicarase ás pensións causadas con anterioridade ao 1 de xaneiro de 2011 sobre a contía mensual íntegra que percibise ou lle tería correspondido percibir ao seu titular en 31 de decembro de 2010. Seguidamente procederase á súa actualización conforme as normas que sobre revalorización, concorrencia de pensións e limitación do seu crecemento se conteñen nas leis de orzamentos correspondentes.

2.^a Para efectos do disposto nos artigos 46 e 41.un das leis de orzamentos xerais do Estado para 2010 e 2011, respectivamente, o importe da pensión ou do conxunto de pensións aboadas con cargo ao crédito de clases pasivas que perciba un mesmo titular, unha vez aplicada a actualización procedente a cada unha delas, estará limitada á cantidade de 34.970,74 euros íntegros anuais, comprendéndose na devandita cantidade tanto o importe das mensualidades ordinarias como o das pagas extraordinarias que puideren corresponder.

Nas pensións de viuvez, os incrementos por fillos que puideren recoñecerse ao abeiro da Lei 19/1974, do 27 de xuño, de mellora de pensións de clases pasivas, e da Lei 74/1980, do 29 de decembro, de orzamentos xerais do Estado para 1981, non se computarán, en ningún caso, para os efectos da aplicación do límite máximo de percepción establecido no parágrafo anterior.

No suposto de que nun mesmo titular concorran unha ou varias pensións de clases pasivas con outra ou outras pensións públicas, o valor da pensión ou conxunto de pensións de clases pasivas terá como límite unha cifra que garde coa de 34.970,74 euros íntegros anuais a mesma proporción que a devandita pensión ou pensións teñan co conxunto total de pensións públicas que perciba o seu titular.

O devandito límite (L) obterase mediante a aplicación da seguinte fórmula:

$$L = \frac{CP}{T} \times 34.970,74 \text{ euros anuais}$$

sendo «CP» o valor íntegro teórico anual alcanzado en 31 de decembro de 2010 pola pensión ou pensións de clases pasivas, e «T» o resultado de engadir á cifra anterior o valor íntegro en termos anuais das outras pensións públicas en idéntico momento.

3.^a Establecido para cada suposto e conforme as regras anteriores o límite anual máximo dunha pensión, o citado límite dividirase entre o número de mensualidades ordinarias e pagas extraordinarias que, respecto da anualidade e conforme a lexislación aplicable, teñan dereito a percibir os pensionistas, constituíndo a cifra resultante o importe mensual a percibir polo titular daquela pensión en cada mensualidade ordinaria e paga extraordinaria.

Artigo 7. *Procedemento para a actualización.*

1. A actualización das pensións de clases pasivas para 2011 será practicada de oficio pola Dirección Xeral de Custos de Persoal e Pensións Públicas do Ministerio de Economía e Facenda.

2. A dita actualización levarase a cabo tendo en conta os datos que consten respecto de cada titular de pensión en 31 de decembro de 2010. Non obstante, e de acordo co establecido no artigo 21.2 do texto refundido da Lei de clases pasivas do Estado, aprobado polo Real decreto lexislativo 670/1987, do 30 de abril, poderá requirírselle a calquera perceptor de clases pasivas que facilite información respecto da súa situación económica cos efectos que na dita norma se preveñen.

3. De acordo co disposto nos artigos 46.tres e 41.un das leis de orzamentos xerais do Estado para 2010 e 2011, respectivamente, a actualización terá carácter provisional ata que a Administración comprobe a procedencia da percepción da súa contía, en función das outras percepcións do titular dunha pensión ou pensións e das normas en materia de concorrencia e incompatibilidade que resulten aplicables en cada caso.

Se da elevación a definitiva da actualización anteriormente practicada se obtiver a evidencia de que se percibiron cantidades en exceso, o pensionista estará obrigado a reintegrar o indebidamente percibido, sen prexuízo da revisión en vía administrativa que, de ser o caso, proceda, conforme o disposto no ordenamento xurídico. Á marxe do anterior, no suposto de que o interesado tiver cometido na súa declaración falsidade ou omisión de datos, poderanlle ser esixidas as correspondentes responsabilidades en que puidese ter incorrido.

CAPÍTULO II

Complementos para mínimos

Artigo 8. *Complementos económicos para as pensións de clases pasivas durante o ano 2011.*

1. De acordo coas previsións contidas nos números un, dous e tres do artigo 42 da Lei de orzamentos xerais do Estado para o ano 2011, a aplicación durante o expresado ano de complementos económicos ás pensións do réxime de clases pasivas axustarase ás seguintes regras:

a) Poderá complementarse aquela pensión do réxime de clases pasivas, calquera que sexa a data en que se causou, que non alcance o mínimo correspondente que figura na columna A do cadro que se inclúe no punto 2 deste artigo, sempre que se recoñecese ao abeiro da lexislación xeral na materia e que o seu titular non perciba durante o exercicio de 2011 ingresos de traballo ou de capital ou que, percibíndoos, non excedan de 6.923,90 euros ao ano.

b) No caso de percibir un mesmo beneficiario varias pensións das referidas no parágrafo anterior, o complemento aplicarase, cando proceda, respecto daquela pensión

que, en atención á súa natureza, teña asignado un importe maior na columna A do cadro que se inclúe no número 2 deste artigo.

c) A contía do complemento será a necesaria para que a pensión a complementar, en cómputo íntegro mensual, incrementada, de ser o caso, co importe íntegro mensual de todas as restantes pensións aboables con cargo ao crédito de clases pasivas ou outras pensións públicas percibidas polo beneficiario, alcance o mínimo correspondente á columna A do mencionado cadro.

Non obstante, no suposto de que se teña recoñecida unha parte proporcional da pensión de viuvez, o complemento para mínimos aplicable, de ser o caso, serao na mesma proporción que se tivo en conta para o recoñecemento da pensión.

O importe que se terá en conta será, para as pensións de clases pasivas, que resulte unha vez actualizadas estas de acordo co disposto neste real decreto, e para as restantes pensións de carácter público, que estea a percibir o beneficiario no momento de presentar a solicitude de iniciación do procedemento en materia de complementos económicos a que se refire o número 2 do artigo seguinte.

Non obstante o disposto no parágrafo anterior, para os únicos efectos de garantía de complementos para mínimos, equipararanse a rendas de traballo as pensións públicas que non estean a cargo de calquera dos réximes públicos básicos de previsión social, así como as pensións percibidas con cargo a unha entidade estranxeira, coa excepción establecida no número 3 do seguinte artigo 11 relativa ao complemento de garantía das pensións recoñecidas ao abeiro dos regulamentos da Unión Europea.

d) O complemento minorarase, ou de ser o caso suprimirase, na contía necesaria para que a suma, en termos anuais, da pensión complementada segundo o disposto no parágrafo anterior, xunto con todas as rendas de traballo ou substitutorias destas ou de capital, percibidas polo beneficiario non supere o límite correspondente da columna B do cadro que figura a continuación.

Para estes efectos, o concepto de renda definirase conforme a lexislación do imposto sobre a renda das persoas físicas, aínda que se terán en conta, en todo caso, os ingresos correspondentes a calquera pensión de carácter público, estean estas sometidas ou non ao mencionado imposto; as pensións de clases pasivas tomaranse no seu valor anual unha vez actualizadas conforme o disposto neste real decreto; as restantes pensións públicas terán o valor anual que corresponda no momento de presentar a solicitude de iniciación do procedemento en materia de complementos económicos, referida no número 2 do seguinte artigo; e as rendas de traballo e de capital tomaranse no valor percibido no ano 2010, debendo excluírse as deixadas de percibir por motivo do feito causante das distintas pensións, así como aquelas que se probe que non deben ser percibidas no ano 2011.

Tamén se computarán entre tales ingresos as plusvalías ou ganancias patrimoniais, valoradas conforme a lexislación fiscal.

2. Para efectos do disposto no número anterior, teranse en conta as seguintes contías:

	A Pensión mínima mensual – Euros	B Ingresos anuais máximos – Euros
Pensión de xubilación ou retiro cando existe cónxuxe a cargo do titular.....	742,00	17.311,90
Pensión de xubilación ou retiro sen cónxuxe: unidade económica unipersoal.....	601,40	15.343,50
Pensión de xubilación ou retiro con cónxuxe non a cargo.	570,40	14.909,50
Pensión de viuvez.....	601,40	15.343,50
Pensión ou pensións en favor doutros familiares, sendo «n» o número de beneficiarios da pensión ou pensións.....	<u>586,10</u> n	6.923,90 + <u>8.205,40</u> n

No suposto de pensión ou pensións en favor doutros familiares que foren percibidas por varios beneficiarios, a cifra resultante da columna A do cadro anterior non será inferior a 183,70 euros mensuais, respecto de cada un daqueles beneficiarios cuxos ingresos anuais non superen os que figuran na columna B. Non obstante, cando algún dos beneficiarios sexa orfo discapacitado menor de 18 anos cunha discapacidade en grao igual ou superior ao 65 por cento, a contía mínima a recoñecer ao devandito orfo será de 361,40 euros mensuais, sempre que cumpra o requisito de límite de ingresos citado.

Nas pensións de viuvez, os incrementos por fillos que puideren recoñecerse ao abeiro da Lei 19/1974, do 27 de xuño, e da Lei 74/1980, do 29 de decembro, non se computarán para os efectos da aplicación do mínimo establecido no cadro anterior.

Para idénticos efectos, entenderase que existe cónxuxe a cargo do titular cando este estea convivindo co pensionista e dependa economicamente del. Presumirase a convivencia sempre que se conserve o vínculo matrimonial, sen prexuízo do cal esta presunción poida destruírse de comprobarse o contrario por parte da Administración, e para os mesmos efectos entenderase que existe dependencia económica cando os ingresos do cónxuxe, por calquera concepto, non superen o salario mínimo interprofesional vixente.

3. Os complementos económicos regulados neste precepto, que se aboarán en doce mensualidades ordinarias e dúas extraordinarias, todas elas de igual contía, non serán en ningún caso consolidables e serán absorbibles por calquera futuro incremento que poidan experimentar as percepcións do interesado, xa sexa por revalorización ou polo recoñecemento no seu favor de novas pensións públicas.

4. De conformidade co disposto no artigo 21.5 do Real decreto 1288/1990, do 25 de outubro, sobre revalorización de pensións de clases pasivas para 1990 e complementos económicos destas durante o citado exercicio, poderán acceder ao dereito a mínimos os beneficiarios de pensión de clases pasivas que a tivesen obtido ao abeiro da expresada norma.

Artigo 9. *Procedemento en materia de complementos económicos.*

1. Corresponde á Dirección Xeral de Custos de Persoal e Pensións Públicas recoñecer e determinar os complementos económicos que procedan, de acordo co establecido no precedente artigo 8.

2. O procedemento iníciarase por petición do interesado mediante solicitude dirixida á Dirección Xeral de Custos de Persoal e Pensións Públicas. A dita solicitude axustarase e formalizarase conforme o modelo establecido para o efecto.

3. Á vista dos datos consignados polo solicitante do complemento económico e, se é o caso, da consulta informática ao Rexistro de Prestacións Sociais Públicas, a citada dirección xeral ditará, sen máis trámites, a resolución que proceda, sen prexuízo de que esta sexa revisable de acordo co previsto no ordenamento xurídico.

De a solicitude dos complementos económicos se formular, por vez primeira, durante o presente exercicio, os seus efectos económicos retrotraeranse, como máximo, ao 1 de xaneiro de 2011 ou á data de arranque da pensión se esta for posterior.

Non obstante, de a solicitude de tal recoñecemento se efectuar con ocasión de exercitar o dereito ao cobramento dunha pensión cuxo feito causante se produciu no exercicio anterior, os efectos económicos poderán ser os da data de arranque daquela, cunha retroactividade máxima dun ano desde que se soliciten e sempre que se reúnan os requisitos necesarios para a súa percepción.

4. Se, unha vez recoñecidos os complementos económicos, se comproba a existencia dalgunha contradición entre os datos declarados e a realidade, o solicitante estará obrigado ao reintegro do indebidamente percibido, sen prexuízo da súa posible revisión en vía administrativa. Poderanse deducir, ademais, contra o solicitante outras posibles responsabilidades en que puidese ter incorrido de acordo co ordenamento xurídico.

Para os efectos da devandita revisión, e de acordo co disposto no artigo 21 do vixente texto refundido da Lei de clases pasivas do Estado, o pensionista deberalle facilitar á Administración a información que formalmente lle sexa requirida, e poderá suspenderse o pagamento do complemento en caso de incumprimento desta obriga.

5. O perceptor dos complementos de pensión estará obrigado a poñer en coñecemento da Administración, no momento de se producir, calquera variación na composición ou contía dos ingresos declarados na solicitude, así como calquera variación do seu estado civil ou da situación de dependencia económica do seu cónxuxe respecto do inicialmente declarado. O incumprimento desta obriga, se del se seguise a percepción indebida de cantidades, dará orixe ao reintegro destas.

6. Queda facultada a Dirección Xeral de Custos de Persoal e Pensións Públicas para ditar cantas instrucións de servizo puideren resultar convenientes, de cara a axilizar os trámites para a percepción dos complementos a que se refire este artigo.

Artigo 10. *Prohibición de concesión de complementos económicos en clases pasivas.*

1. No suposto de que un pensionista de clases pasivas tiver dereito a percibir, conforme as normas deste real decreto, un complemento económico e por ser beneficiario ademais doutras pensións públicas, aboadas con cargo a réximes públicos de previsión diferentes, tiver así mesmo dereito a algún outro complemento, conforme o disposto nos artigos 42 e 43 da Lei de orzamentos xerais do Estado para o ano 2011, non poderá percibir o complemento correspondente á pensión de clases pasivas salvo nos seguintes casos:

a) Cando as pensións dos distintos sistemas sexan da mesma natureza e o importe íntegro mensual da pensión de clases pasivas for de superior contía ao importe correspondente á outra pensión pública susceptible de ser complementada.

b) Cando as pensións a percibir polo interesado foren de distinta natureza e o importe mínimo mensual de pensión correspondente á de clases pasivas for de maior contía que o da outra pensión pública.

2. Nos dous supostos do punto anterior, non poderá tomarse en consideración o complemento económico a que puider ter dereito o interesado pola pensión allea ao réxime de clases pasivas, para determinar o importe do complemento que polo devandito réxime lle corresponda, conforme as regras do artigo 8 deste real decreto.

CAPÍTULO III

Pensións recoñecidas ao abeiro dos regulamentos da Unión Europea sobre a coordinación dos sistemas de seguridade social

Artigo 11. *Actualización das pensións recoñecidas ao abeiro dos regulamentos da Unión Europea sobre a coordinación dos sistemas de seguridade social.*

1. A actualización das pensións recoñecidas ao abeiro dos regulamentos da Unión Europea, das que un tanto por cento da súa contía teórica estea a cargo do réxime de clases pasivas, levarase a cabo aplicando o devandito tanto por cento ao incremento que tería correspondido de acharse a cargo do citado réxime o 100 por cento da pensión.

2. Á pensión rateada, unha vez actualizada de acordo co disposto no número anterior, engadiráselle, cando así proceda en aplicación das normas xerais establecidas, o complemento para mínimos que corresponda conforme as normas contidas no capítulo II deste real decreto. O devandito complemento calcularase aplicando a mesma porcentaxe que se tivo en conta para o recoñecemento da pensión, á diferenza resultante entre a contía que tería correspondido de acharse a cargo do réxime de clases pasivas o 100 por cento da pensión e o mínimo establecido para a prestación de que se trate.

3. Se despois de aplicar o disposto no número anterior a suma dos importes reais das pensións recoñecidas, tanto en virtude da lexislación española como estranxeira ao abeiro dos regulamentos da Unión Europea, for inferior ao mínimo que corresponda á pensión de que se trate, garantiráselle ao beneficiario, mentres resida en territorio nacional, a diferenza necesaria ata alcanzar o referido mínimo, de acordo coas normas xerais establecidas para a súa concesión.

Disposición adicional primeira. *Complementos para mínimos e actualización doutras pensións de clases pasivas.*

1. Para o ano 2011 aplicaranse os complementos económicos regulados no capítulo II deste real decreto ás pensións de orfandade recoñecidas ao abeiro do título II da Lei 37/1984, do 22 de outubro, de recoñecemento de dereitos e servizos prestados aos que durante a guerra civil formaron parte das Forzas Armadas, Forzas de Orde Pública e Corpo de Carabineiros da República; así como ás recoñecidas a favor de orfos non incapacitados maiores de 21 anos, causadas por persoal non funcionario ao abeiro das leis 5/1979, do 18 de setembro, sobre recoñecemento de pensións, asistencia médico-farmacéutica e asistencia social a favor de viúvas, fillos e demais familiares dos españois falecidos como consecuencia ou con ocasión da pasada guerra civil; e 35/1980, do 26 de xuño, sobre pensións aos mutilados ex-combatentes da zona republicana; e a aquelas outras causadas polos operarios de Lotarías, o persoal das Minas de Almadén e os facultativos sanitarios inutilizados ou falecidos con motivo de servizos extraordinarios en época de epidemia, e subdelegados de Sanidade a que se refire a Lei do 11 de xullo de 1912.

2. As pensións en favor de familiares concedidas ao abeiro da Lei 5/1979, do 18 de setembro, e da Lei 35/1980, do 26 de xuño, con excepción das pensións de orfandade a que se refire o número anterior, así como da Lei 6/1982, do 29 de marzo, de pensións aos mutilados civís de guerra, e as pensións de viuvez do título II da Lei 37/1984, do 22 de outubro, calquera que sexa a súa data inicial de aboamento, non poderán ser inferiores no ano 2011 ao importe establecido, para o citado exercicio económico, como de contía mínima no sistema da Seguridade Social para as pensións de viuvez de titulares maiores de sesenta e cinco anos.

Disposición adicional segunda. *Adaptación de oficio dos complementos para mínimos.*

1. As pensións de clases pasivas ás que se tivesen aplicado complementos económicos durante o ano 2010 adaptaranse de oficio, e con carácter provisional, con efectos do 1 de xaneiro de 2011, ás contías establecidas no artigo 8 deste real decreto, presumíndose que os seus titulares reúnen as condicións e requisitos exixidos no devandito precepto, mentres os servizos administrativos correspondentes non comprobren a concorrencia das ditas condicións e requisitos.

2. Se da comprobación antes citada se deduce a ausencia dalgún requisito ou condición, procederá o cesamento inmediato no aboamento do complemento, con reintegro do indebidamente percibido por tal concepto desde, como máximo, o primeiro de xaneiro do ano 2011. Igualmente, se da dita comprobación se deriva a necesidade de modificar a contía do complemento, practicarase a oportuna modificación, con reintegro do indebidamente percibido desde a data antes indicada.

Non obstante, e de acordo co establecido no artigo 9.4 deste real decreto, procederá retrotraer o reintegro do indebidamente percibido á data inicial en que o complemento económico comezou a aboarse en exercicios anteriores, ata un máximo de catro anos, se da comprobación efectuada resulta a evidencia de que o perceptor daquel cometeu algunha omisión ou falsidade na declaración presentada no momento de solicitar a aplicación do complemento, sen prexuízo das responsabilidades en que puidese ter incorrido.

Disposición adicional terceira. *Actualización das axudas sociais do Real decreto lei 9/1993, do 28 de maio, polo que se conceden axudas aos afectados polo virus de inmunodeficiencia humana (VIH) como consecuencia de actuacións realizadas no sistema sanitario público.*

De acordo co establecido nas disposicións adicionais sétima e oitava da Lei de orzamentos xerais do Estado para o ano 2011, as contías mensuais das axudas sociais, en favor das persoas que resultaron contaminadas polo virus de inmunodeficiencia humana (VIH), reguladas nas letras b), c) e d) do artigo 2.1 do Real decreto lei 9/1993, do 28 de

maio, determinaranse mediante a aplicación das proporcións reguladas nas letras citadas sobre o importe de 595,17 euros.

Así mesmo, os perceptores das citadas axudas sociais, con data inicial de aboamento anterior ao 1 de xaneiro do ano 2010, terán dereito a percibir antes do 1 de abril de 2011, e nun único pagamento, unha cantidade equivalente á que resulte de aplicar á axuda percibida durante 2010 o coeficiente 0,0128713.

Disposición adicional cuarta. *Aboamento de cantidade compensatoria.*

De acordo co previsto na disposición adicional oitava da Lei de orzamentos xerais do Estado para o ano 2011, os pensionistas de clases pasivas que percibisen durante o ano 2010 pensións obxecto de actualización, así como aqueles que percibisen a contía correspondente ás pensións mínimas ou ao límite máximo de percepción das pensións públicas, ou os seus herdeiros, recibirán antes do 1 de abril deste ano, e nun único pagamento, unha cantidade equivalente á que resulte de aplicar á pensión percibida durante o ano 2010 o coeficiente 0,0128713.

O disposto no parágrafo anterior será, así mesmo, de aplicación ás pensións de clases pasivas con data inicial de aboamento durante o ano 2010 para cuxa determinación se tivesen en conta haberes reguladores susceptibles de actualización no mencionado exercicio.

Disposición adicional quinta. *Importes regularizados de determinadas pensións e haberes reguladores no ano 2010.*

1. As contías das pensións mínimas, para o ano 2010, son as seguintes:

	A Pensión mínima mensual Euros	B Ingresos anuais máximos Euros
Pensión de xubilación ou retiro cando existe cónxuxe a cargo do titular	734,60	17.208,30
Pensión de xubilación ou retiro sen cónxuxe: unidade económica unipersoal	595,40	15.259,50
Pensión de xubilación ou retiro con cónxuxe non a cargo.	564,70	14.829,70
Pensión de viuvez	595,40	15.259,50
Pensión ou pensións en favor doutros familiares, sendo «n» o número de beneficiarios da pensión ou pensións.	<u>580,20</u> n	6.923,90 + <u>8.122,80</u> n

No suposto de pensión ou pensións en favor doutros familiares que foren percibidas por varios beneficiarios, a cifra resultante da columna A do cadro anterior non será inferior a 181,80 euros mensuais, respecto de cada un daqueles beneficiarios cuxos ingresos anuais non superen os que figuran na columna B. Non obstante, cando algún dos beneficiarios sexa orfo discapacitado menor de 18 anos cunha discapacidade en grao igual ou superior ao 65 por cento, a contía mínima a recoñecer ao devandito orfo será de 357,80 euros mensuais, sempre que cumpra o requisito de límite de ingresos citado.

2. Para a determinación inicial das pensións de clases pasivas con data de efectos económicos de 2010, os valores consignados no título IV da Lei 26/2009, do 23 de decembro, de orzamentos xerais do Estado para 2010, unha vez regularizados de acordo co IPC no período novembro 2009 a novembro 2010, serán os que figuran no anexo deste real decreto.

Disposición derradeira primeira. *Habilitación para disposicións de desenvolvemento.*

Autorízase a vicepresidenta segunda do Goberno e ministra de Economía e Facenda para que dite as disposicións de carácter xeral que resulten necesarias para a aplicación deste real decreto.

Disposición derradeira segunda. *Entrada en vigor e efectos económicos.*

Este real decreto entrará en vigor o día 1 de xaneiro de 2011 con efectos económicos desta mesma data.

Dado en Madrid o 30 de decembro de 2010.

JUAN CARLOS R.

A vicepresidenta segunda do Goberno
e ministra de Economía e Facenda,
ELENA SALGADO MÉNDEZ

ANEXO

ANOS 2010 E 2011

Haberes reguladores do título IV da Lei 26/2009, do 23 de decembro, de orzamentos xerais do Estado para 2010, actualizados de acordo co IPC do 2,3 por cento (correspondente ao período novembro 2009-novembro 2010), para os efectos da determinación inicial das pensións de clases pasivas en 2010 e 2011

I. *Artigo 40*

Haberes reguladores para a determinación inicial das pensións ao abeiro do título I do texto refundido da Lei de clases pasivas do Estado

Un a)

Grupo/Subgrupo Lei 7/2007	Haber regulador Euros/ano
A1	39.268,77
A2	30.905,51
B	27.062,79
C1	23.735,97
C2	18.779,09
E (Lei 30/84) e agrupacións profesionais	16.010,66

Un b)

Administración civil e militar do Estado

Índice	Haber regulador Euros/ano
10	39.268,77
8	30.905,51
6	23.735,97
4	18.779,09
3	16.010,66

Administración de Xustiza

Multiplicador	Haber regulador Euros/ano
4,75	39.268,77
4,50	39.268,77
4,00	39.268,77
3,50	39.268,77
3,25	39.268,77
3,00	39.268,77
2,50	39.268,77
2,25	30.905,51
2,00	27.062,80
1,50	18.779,09
1,25	16.010,66

Tribunal Constitucional

Corpo	Haber regulador Euros/ano
Secretario xeral	39.268,77
De letrados	39.268,77
Xerente	39.268,77

Cortes Xerais

Corpo	Haber regulador Euros/ano
De letrados	39.268,77
De arquivistas-bibliotecarios	39.268,77
De asesores facultativos	39.268,77
De redactores, taquígrafos e estenotipistas	39.268,77
Técnico-administrativo	39.268,77
Administrativo	23.735,97
De uxieres	18.779,09

Haberes reguladores para a determinación inicial das pensións ao abeiro do título II do texto refundido da Lei de clases pasivas do Estado

Haberes reguladores

Dous a)

Administración civil e militar do Estado

Índice	Grao	Grao especial	Importe por concepto de soldo e grao en cómputo anual - Euros
10 (5,5)	8		26.324,82
10 (5,5)	7		25.601,32
10 (5,5)	6		24.877,86
10 (5,5)	3		22.707,39
10	5		22.337,96
10	4		21.614,50
10	3		20.891,04
10	2		20.167,50
10	1		19.444,02
8	6		18.784,49
8	5		18.205,81
8	4		17.627,12
8	3		17.048,41
8	2		16.469,74
8	1		15.891,02
6	5		14.310,34
6	4		13.876,45
6	3		13.442,62
6	2		13.008,69
6	1	(12 por 100)	14.031,74

Índice	Grao	Grao especial	Importe por concepto de soldo e grao en cómputo anual – Euros
6	1		12.574,79
4	3		10.588,95
4	2	(24 por 100)	12.635,24
4	2		10.299,62
4	1	(12 por 100)	11.179,15
4	1		10.010,28
3	3		9.142,84
3	2		8.925,86
3	1		8.708,92

Administración de Xustiza

Multiplicador	Importe por concepto de soldo en cómputo anual – Euros
4,75	42.989,17
4,50	40.726,57
4,00	36.201,39
3,50	31.676,21
3,25	29.413,63
3,00	27.151,03
2,50	22.625,86
2,25	20.363,28
2,00	18.100,70
1,50	13.575,52
1,25	11.312,94

Tribunal Constitucional

Corpo	Importe por concepto de soldo en cómputo anual – Euros
Secretario xeral	40.726,57
De letrados	36.201,39
Xerente	36.201,39

Cortes Xerais

Corpo	Importe por concepto de soldo en cómputo anual – Euros
De letrados	23.691,58
De arquivistas-bibliotecarios	23.691,58
De asesores facultativos	23.691,58

Corpo	Importe por concepto de soldo en cómputo anual – Euros
De redactores, taquígrafos e estenotipistas	21.756,31
Técnico-administrativo	21.756,31
Administrativo	13.102,43
De uxieres	10.364,16

Trienios

Dous b)

Administración civil e militar do Estado

Índice	Valor unitario do trienio en cómputo anual – Euros
10	850,42
8	680,35
6	510,23
4	340,19
3	255,13

Administración de Xustiza

Multiplicadores para os efectos de trienios	Valor unitario do trienio en cómputo anual – Euros
3,50	1.583,79
3,25	1.470,69
3,00	1.357,55
2,50	1.131,27
2,25	1.019,55
2,00	905,05
1,50	678,77
1,25	565,66

Tribunal Constitucional

Corpo	Valor unitario do trienio en cómputo anual – Euros
Secretario xeral	1.583,79
De letrados	1.583,79
Xerente	1.583,79

Cortes Xerais

Corpo	Valor unitario do trienio en cómputo anual – Euros
De letrados	968,70
De arquiveiros-bibliotecarios	968,70
De asesores facultativos	968,70
De redactores, taquígrafos e estenotipistas	968,70
Técnico-administrativo	968,70
Administrativo	581,24
De uxieres	387,47

II. *Artigo 41*

Haberes reguladores para a determinación inicial das pensións especiais de Guerra

Dous.1 a)	4.852,40
Dous.1 b)	13.086,80
Tres a)	9.160,76
Catro.	5.813,78

A contía das pensións de orfandade en favor de orfos non incapacitados maiores de 21 anos, causadas por persoal non funcionario ao abeiro das leis 5/1979, do 18 de setembro, e 35/1980, do 26 de xuño, será de 148,66 euros mensuais.